

## UDALBATZAREN IDAZKARI NAGUSIARI

Borja Corominas Fisas Talde Popularreko zinegotziak, Udalbatzaren Organo Araudiko 98. artikulua oinarri, KONTROL-MOZIO hau aurkezten du, Alderdi Ederreko bertakoen aparkalekuaren egoera dela eta, Gune Publikoen Batzordean (Obrak eta Hiri Zerbitzuak) aztertutako interpelazioaren ondorioz.

### JUSTIFIKAZIOA

Alderdi Ederreko bertakoen aparkalekuen jabeak, 2019ko uztailaz geroztik salatzen ari dira instalazio horren mantentze-zerbitzuak nabarmen okertu direla emakida Mugaburu enpresatik Empark enpresara pasatu zenetik.

Orduan, Udal Gobernuak Bulebarreko eta Alderdi Ederreko aparkalekuen kudeaketan egindako aldaketa hori balia zezakeen emakidaren oinarriak aldatzeko eta erabiltzaileen kexei erantzuteko: “mantentze-kostu handiak” eta hiriko aparkaleku batzuetan eta besteetan kontzeptu berengatik egiten diren ordainketen arteko proportziorik eza. Izan ere, Alderdi Ederreko plazen titularrek 73,19 € ordaintzen dituzte hilean aparkalekuaren mantentze-lanengatik; Okendon, berriz, 44,60 €.

Gobernuak ezezkoa eman zion errekerimendu horri eta, gaur egun, Empark enpresak kudeatzen ditu hiriko aparkaleku gehienak: Alderdi Eder, Bulebarra, Kontxa, Katalunia plaza eta Atotxa.

Denbora igarota, Alderdi Ederreko aparkalekuaren erabiltzaileek emakidadun berriak sortutako egoera gaitzetsi dute, «batere segurtasunik eta arretarik ez dagoelako» eta «solairuetan zikinkeria pilatzen delako», aurreko kudeatzaileak mantentzen zituen baldintzen aldean.

Gaineratu dute, bestalde, enpresak «ez duela inongo komunikaziorik» erabiltzaileekin, eta «ez dela kontrolatzen garajetik kanpoko pertsonen sarrera». Horretaz gain, hainbat gabezia daude instalazio horretako gutxieneko mantentze-zerbitzuari dagokionez.

Joan den martxoko batzordean horri buruzko interpelazioa eginda, eta Udalak erabakirik hartu ez zuenez –hura da emakida eskualdatzea onartu zuena, eta, azken batean, kontratuaren baldintzak betetzen direla zaindu eta herritar guztientzat nolabaiteko berdintasuna bermatu behar duena bere menpeko erabilera publikoko emakidetan–, Talde Popularrak honako kontrol-mozio hau aurkezten du:

### KONTROL-MOZIOA:

1. Donostiako Udalbatzak hertsatuki eskatzen dio Udal Gobernuari Alderdi Ederreko bertakoen aparkalekuaren enpresa emakidaduna behartu dezala mantentze-kontzeptua kobratzearen ondoriozko beharrak betetzera eta erabiltzaileen kexei erantzutera, nahitaezko komunikazio-bideak ezarrita eta plaza horien jabeei etengabeko laguntza emanda.
2. Donostiako Udalbatzak hertsatuki eskatzen dio Udal Gobernuari azterlan bat egin dezala hiri osoan dauden mantentze-kanonei buruz, herritar guztientzako jarraibide objektibo komunak bateratu eta ezartze aldera.
3. Donostiako Udalbatzak hertsatuki eskatzen dio Udal Gobernuari, baremo objektiboak aplikatuta, homologa ditzala hirian diren bertakoen aparkalekuen mantentze-prezioak, eta jarraibide objektibo komunak bateratu eta ezar ditzala herritar guztientzat, lehen aipatutako azterlanaren emaitzetan oinarrituta, neurrigabeko kuotarik ordaindu ez dadin, Alderdi Ederreko erabiltzaileen kasuan gertatzen den bezala –Okendokoen bikoitza ordaintzen dute ia, bi aparkalekuen artan 300 metroko distantzia baino ez badago ere–.
4. Donostiako Udalbatzak hertsatuki eskatzen dio Udal Gobernuari, Donostiako Erdigunean dauden aparkalekuen kudeaketan, monopoliotik hurbil dauden egoerak eragozteko.

Donostia, 2020ko maiatzaren 18a

Borja Corominas Fisas,  
Talde Popularreko bozeramailea